

ձե.

Սուրբ Թէօդորոսի զուլնն և այլ մասունք ըստամպօլի ուղղափառաց փափն¹ շնորհեաց իւրեանց² [ումանց հայ միսիօնարաց] որ տանեն: (Յովձ. պատկերահան, յամիկն 1745 սկստ. 11. [Հռովմ]):

ձգ.

Մեր կարտինալ Քարաֆային կողմանէ Վրդանէս եպիսկոպոսն և ես խօսեցաք Սարքիս եպիսկոպոսին, թէ մնասցէ տեղս իբրեւ ձեռնադրող եպիսկոպոս և մեծաւոր. յանձն չառաւ ասելով թէ անհնարին է մնալն իմ տեղս, հարկ է ինձ Վենետիկ դառնալ, զի անդ զիրք պիտի տալ տամ ի յոգուտս յազգին մերոյ և այլն. իրաւի այսչափ եպիսկոպոսք եկին տեղս. սորա նման գրոց հմուտ և կարգացող ոչ ոք տեսի. փափն և ոմանք կարտինալք որոց մօտն գնաց յոյժ սէր և ընդունեւ լուծիւնս արարին իւրեան: (Յովձ. պատկերահան առ Միսիրար, յամիկն 1745 դեկտ. 18. [Հռովմ]):

ձե.

Լուաք թէ շահ Թահմազն, որ զէջմիածին մերկացուցեալ և զկաթուղիկոսն³ կապանօք ընդ իւր տարեալ, յայժմ դարձուցեալ է ի յաթոռ իւր. աստ զգիր օրհնութեան ուղարկեալ, զնուիրակութեան տալիքն խնդրեալ, փողէ թափփեցան. 30. 40 քսակ ճէրիմէ տուանք, պարտուց մէջ ենք: (Հ. Միք. վրդ. առ Միւ., յամիկն 1746 Յունվ. 4. [Պոլիս]):

ձր.

Ի վերափոխման պահուց շաբաթուն, մի վարդապետ հայոց տաճկացաւ: Յետ ոմանց աւուրց զղջացաւ զձեն փոխեալ, ըմպունեցին և գլխատեցին. ասեն թէ փաթրիքն լեալ իցէ առիթ այսմ. վասն որոյ հակառակորդաց նախատակոծ եղև: Այս վարդապետս էր պալատցի ներսէս վարդապետին պուռսայու առաջնորդին աշակերտ: Սա գոլով աստ, միշտ զհաց մի, այսինքն զպաշտօն մի կամ զառաջնորդութիւն յուրեք, կամ զնուիրակութիւն, զկօտակ մի խնդրեալ, որով որպէս ժողովարար շրջիցի, չէ տուեալ խտրութեամբ և սաստիւ վարեալ և արտաքսեալ. և նա ի բարկութենէն գնացեալ զայն ուրացութիւնն արարեալ: Եւ ոմանք ասեն թէ խաբանօք ըստ առաջնորդի տեղոյ միոյ իբրեւ աթոռակալ և փոխանորդ ուղարկեալ, որ իբրեւ գնայցէ անդ իբրեւ սիրկիւն արգելեալ լիցի: Եւ զայս դաւաճանութիւնս լուեալ ոմն ի բարեկամաց այս վարդապետիս մինչ մտանելոց էր ի նաւ և գնալոց, ծանուցեալ է թէ ուր գնաս, վասն քոյ այս բան գոյ: Ասեն վասն այսր բարկացեալ գնացեալ տաճկացեալ է: Տաճիկք բազմաց հայոց ասէին. ահա ձեր դարապաշն ճանաչելով զմերն գոլ ճշմարիտ, ինքնայօժար եկն ի հաւատ: Բայց դառնալովն և մեռանելովն եբարց զայս նախատինք: (Հ. Միք. վրդպտ. առ Միսիրար, յամիկն 1746 հոկտ. 10. [Պոլիս]):

1. Բենեդ. ԺԳ.

2. Այսինքն Հայ միսիօնարներէ ոմանց.

3. Ղազար.